

Headline **Ujian HIV wajar di klinik swasta**
Date **31. Jan 2009** Language **MALAY**
Media Title **Berita Harian** Page No **30**
Section **Nasional** Article Size **100** cm2
Circulation **192917** Frequency **Daily**
Readership **1521000** Color **Full Color**
AdValue **2121.64**



Ujian HIV wajar di klinik swasta

APABILA kerajaan mewajibkan ujian HIV kepada pasangan ingin berkahwin di seluruh negara seperti yang diumumkan Timbalan Perdana Menteri, Datuk Seri Najib Razak, saya menyambut baik peraturan itu demi kebaikan pasangan.

Bagaimanapun, lebih baik jika peraturan itu dipantau lebih ketat, terutama di Wilayah Persekutuan. Tidak dinafikan, Jabatan Agama Islam Wilayah Persekutuan (Jawi) sudah mewajibkan pasangan ingin berkahwin melakukan ujian HIV di klinik kerajaan di sekitar Wilayah Persekutuan.

Jika ingin melakukan ujian itu, pasangan mestilah mengambil sendiri borang di Jawi atau boleh dimuat turun dari laman web Jawi. Di belakang borang disenaraikan nama klinik kerajaan menyediakan perkhidmatan itu.

Apa yang ingin dibangkitkan ialah pengalaman saya ingin melakukan ujian HIV di klinik tersenarai menemui kegagalan kerana klinik berkenaan kehabisan alat melakukan ujian. Saya pergi ke klinik berdekatan Bangsar, pihak berkenaan memaklumkan sudah dua minggu menunggu alat berkenaan.

Begitu juga apabila saya ke klinik berdekatan Masjid Negara dan Hospital Kuala Lumpur, alasan sama diberikan. Bagaimana pasangan ingin mematuhi peraturan ditetapkan jika ia menyusahkan.

Bagi mengatasi masalah ini, saya berpendapat pihak berkuasa wajar memberi kebenaran kepada pasangan ingin berkahwin melakukan ujian HIV di klinik swasta diiktiraf. Jika klinik kerajaan tidak cukup peralatan, sekurang-kurangnya bakal pengantin mempunyai pilihan lain.

PENGANTIN BARU,
Kuala Lumpur.